



Broj: 01/1-34-55/19
Datum: 20.05.2019. godine

Objavljen: 20.05.2019. godine

Na osnovu člana 23. i 24. Zakona o posredovanju u zapošljavanju i socijalnoj sigurnosti nezaposlenih osoba ("Službene novine Federacije Bosne i Hercegovine" br. 41/01 i 22/05), člana 4. i 31. Statuta JU "Služba za zapošljavanje BPK Goražde", Odluke Upravnog odbora JU "Služba za zapošljavanje BPK Goražde" broj: 01/12-05-51-3/19 od 22.04.2019. godine i Zaključka Vlade BPK Goražde broj: 03-14-491/19 od 09.05.2019. godine, JU "Služba za zapošljavanje BPK Goražde" (u daljem tekstu: Služba)

r a s p i s u j e:

JAVNI POZIV
nezaposlenim osobama sa evidencije
JU „Služba za zapošljavanje BPK-a Goražde”
za učešće u Programu obuke u 2019. godini (u daljem tekstu: Program)

I

Pozivaju se sve nezaposlene osobe sa evidencije Službe, koje su zainteresovane da pohađaju obuku iz oblasti informatike:

- **ECDL** (European computer driving licence),

te iz oblasti stranih jezika:

- **Engleski jezik i**
- **Njemački jezik,**

da se u prostorijama Službe, prijave za učešće u Programu.

II

Program se realizuje s ciljem povećanja tržišne konkurentnosti određenog broja nezaposlenih osoba bez certificiranog poznavanja savremenih znanja i vještina iz oblasti informacionih tehnologija, te usvajanja i certificiranja znanja stranih jezika, a sve u cilju bržeg zapošljavanja istih prema potrebama tržišta rada.

Nosilac realizacije Programa je Služba za zapošljavanje BPK Goražde.

Ukupna vrijednost Programa iznosi **19.000,00 KM**.

Program će trajati šezdeset (60) nastavnih sati.

III

Ciljnu grupu čine sve nezaposlene osobe, bez obzira na dob i stepen stručne spreme, prijavljene na evidenciju Službe prije objavljivanja Javnog poziva, uz ispunjavanje slijedećih uslova:

- Prvi uslov za uključivanje nezaposlene osobe u Program je IPZ (Individualni plan za zapošljavanje), izrađen sa savjetodavcem u Birou kojem pripada nezaposlena osoba,

- Drugi uslov za uključivanje nezaposlene osobe u Program je Preporuka izdata od strane savjetodavca koji je izradio IPZ.

Savjetodavac ima diskreciono pravo da, nakon izrade IPZ-a, nezaposlenoj osobi ne izda Preporuku ako smatra da mu učešće u Programu neće povećati konkurentnost na tržištu rada.

Nezaposlena osoba se može uključiti u samo jednu od ponuđenih obuka u okviru Programa.

Ukoliko se uvidom u službenu evidenciju utvrdi da nezaposlena osoba ima certificirano znanje iz obuke koju je odabrala, pohađanje obuke će se dozvoliti isključivo na većem stepenu obuke.

Ukoliko neka od ponuđenih obuka ne bude održana zbog nedovoljnog broja prijavljenih kandidata, Služba će im ponuditi i omogućiti da učestvuju u nekoj od drugih ponuđenih obuka koje će biti održane.

Nezaposlene osobe za koje se uvidom u službenu evidenciju, utvrdi da su iz neopravdanih razloga prekinule obuku u prethodnim programima obuke koje je implementirala Služba, nemaju pravo učešća u Programu.

IV

Ovim Programom se posebna prednost i podrška daje slijedećim ciljnim grupama nezaposlenih osoba:

- Korisnicima Kluba za traženje posla (Job Club),
- Demobilisanim borcima i članovima šehidskih porodica sa faktorom otežane zapošljivosti,
- Ženama bez obzira na obrazovnu strukturu i dob,
- Nezaposlenim osobama bez obzira na obrazovnu strukturu i dob, prijavljenim na evidenciju Službe duže od 24 mjeseca,
- Nezaposlenim osobama sa stepenom obrazovanja VI - VII i više,
- Nezaposlenim osobama koje savjetodavci, u obrascu Preporuka - Procjena potrebe za obukom, ocjene sa 60% i više (uvid u Preporuku).

Svaka od navedenih kategorija / ciljnih grupa će se bodovati sa 3 boda uz kumulativno sabiranje.

Shodno raspoloživim finansijskim sredstvima planiranim za Program, biće omogućeno učešće u Programu onim nezaposlenim osobama koje budu imale veći broj bodova.

V

Zainteresovane nezaposlene osobe se prijavljuju na Javni poziv dostavljanjem slijedeće dokumentacije:

- Zahtjev za učešće u Programu (forma zahtjeva je dostupna u Službi, općinskom birou i na web stranici Službe www.szzbpk.ba);
- Preporuku savjetodavca iz nadležnog općinskog biroa;
- Dokaz o pripadnosti određenoj kategoriji / ciljnoj grupi nezaposlenih osoba kojima se u skladu sa Programom daje posebna podrška za učešće (ukoliko pripadaju nekoj od posebnih kategorija iz tačke IV. javnog poziva).
- Ovjerena izjava nezaposlene osobe (dostupna u Službi te općinskim biroima).

VI

Služba će po odobravanju učešća nezaposlene osobe u obuci, zaključiti Ugovor o pohađanju obuke sa nezaposlenom osobom, kojim će se regulisati sva prava i obaveze Službe i nezaposlene osobe kao Polaznika.



Polaznicima čije je prebivalište udaljeno više od **tri (3) kilometra** od mjesta izvođenja obuke, Služba će refundirati troškove dolaska i odlaska u iznosu cijene autobuske karte, pod uslovom da Polaznici dostave autobuske karte u Službu radi pravdanja refundacije.

VII

Polaznik je dužan da:

- redovno pohađa obuku po programu Izvođača;
- obavijesti Službu o svim promjenama u vezi sa realizacijom ugovora, u pisanoj formi, najkasnije osam (8) dana od dana nastanka promjene;
- dostavi Službi na uvid original ili ovjerenu kopiju dokumenta (diploma, uvjerenje, potvrda ili certifikat) o uspješno okončanoj obuci, u roku od osam (8) dana od dana prijema tog dokumenta, radi evidentiranja.

Polaznik je dužan da prisustvuje na **najmanje 70 % realizovanih sati** obuke da bi imao pravo pristupiti polaganju ispita.

Ukoliko Polaznik, iz bilo kojeg razloga (osim zaposlenja ili teže bolesti) prekine pohađanje obuke, brisat će se sa evidencije nezaposlenih osoba i ne može se ponovo prijaviti na evidenciju prije isteka roka od **šest (6) mjeseci** od dana brisanja sa evidencije, osim u slučajevima opravdanih razloga koje će Polaznik dokazati odgovarajućom dokumentacijom.

VIII

Javni poziv je otvoren **petnaest (15) dana** od dana objavljivanja, odnosno do utroška Programom planiranih sredstava.

Nepotpuni i neblagovremeni zahtjevi neće se razmatrati.

Zahtjevi sa potrebnom dokumentacijom podnose se lično, na protokol Službe ili preporučeno, putem pošte na adresu:

**JU „Služba za zapošljavanje BPK Goražde“
ul. Maršala Tita br.13, Goražde**

sa napomenom: „**Prijava za učešće u Programu obuke u 2019. godini**“.

Sve dodatne informacije mogu se dobiti od 08:00 do 16:00, na telefon **038/221-546**, kontakt osobe **Emir Obarčanin, Erna Muratspahić i Elmir Čajević**.

JU „Služba za zapošljavanje BPK Goražde“